

BONERIANO®

Te na e momentu
ku bo ta hala
rosea, no ta lat pa
kambia bo storia.

EDITOR:
Bonaire Communication Services N.V.

Djabièrnè 02 yuni 2023 |

Preis: \$1.25

“PREIS IMPAGABEL”

Dia internashonal di Ref




Dia internashonal di Ref ta para ketu na importansia di Ref den naturalesa i Boneiru tin suerte di tin ref ku bunitesa eksepsional, un biodiversidat remarkabel i kondishonnan konservá. No ta pòrnada hopi turista for di rònt mundu ta bini nos isla netamente pa disfrutá di e bunita paisahe bou di laman. Foto pa kortesia di STINAPA Bonaire/John Anderson.

PA TUR BO
PIESA I TIRE
PA BO AUTO,
BUS OF TRUCK



KAYA CARLOS A. NICOLAAS | 717-6272



Munisipionan karibense
no ta bon prepará

PAG 2

LIMITED OFFER

25% OFF

MOSAIC SHEETS

GARTISH #1
on the island!

KAYA BONGO #8 | 717-8707

xerox™

OBERSI
ELECTRONICS
BONAIRE

New Wei Taai B.V. Bar & Restaurant
A HABRI SU PORTA BEK



Entrante awe
1 yùni 2023
nos ta partisipá na e pueblo
di Boneiru ku nos ta habri
bèk pa brinda e dushi
kumindanan.
Danki pa e pasenshi!!!!

Munisipionan karibense no ta bon prepará

KRALENDIJK – Ape-
sar di mehorashonnan du-
rante e último añanan, ai-
nda Boneiru, Sint Eustatius
i Saba, no ta bon prepará
pa posibel desaster i krisis.
Esaki a sali na kla for di
un rapòrt di Inspekshon di
Hustisia i Siguridat, redak-
tá pa John Samson i publiká
pa Caribisch Netwerk.

Despues di tres orkan na
2017, Inspekshon a hasi un
investigashon na kon por
atendé mihó den futuro ku
desaster i krisis. Despues
di sinku aña, parse ku no a
sigui tur e konsehonan.

“Ta trata di resultadonan
fuerte na e adrès di mi mi-
nisterio,” Minister Dilan
Yeşilgöz-Zegerius di husti-
sia i siguridat, ta laga sa. Sí
e organisashonnan di krisis
di e munisipionan partiku-
lar no ta suficiente prepará
riba futuro desaster i krisis,
ku kombatementu di desas-
ter no ta na òrdu i ku tin ta-
reanan serio di kambio.

Preshon enorme

Dia promé di yùni ta ku-
minsá e temporada anual
di orkan. E organisashon
di krisis na 2017 no tabata
den peliger, pero e tempu
ei a bin sí hopi bou di pre-
shon. Ta spera lo mas mihó

di hendenan i no ta traha
huntu bon, Inspekshon ta
konkluí.

Ku, apesar di e konse-
honan, ainda no ta sufisi-
ente na òrdu, por tin kon-
sekuensia pa e siguridat di
e habitantenan. Te asta e
minister ta haña ku mester
bini mehorashonnan lihé i
bisto i e ta primintí pa hasi
trabou di esaki.

Konklushon remarka- bel

Den e rapòrt di In-
spekshon di Hustisia i Si-
guridat, tin dos konklushon
remarkabel, riba kua Mini-
ster Yeşilgöz tambe ta reak-
shoná. E organisashonnan
riba e islanan ku ta enbolbí
ku kombatementu di desas-
ter, ta diferensia di opinion
ku e ministerio tokante ken
i unda presisamente ta re-
sponsabel pe. Te asta entre
e ministerio di hustisia di
siguridat i esun di asuntu-
nan interior i relashon di
Reino, lo tin inklaridat to-
kante e responsabilidatnan.

Yeşilgöz ta primintí pa
bini ku afspraken kla i lihé
riba papel. “Mi ta di akue-
rdo ku e inspekshon ku no
ta deseabel ku ta eksistí dis-
kushon tokante esaki.”

E minister ta duna e is-

lanan i e inspekshon tambe
rason riba un otro punto,
pasobra ta trata di islanan
chikitu i e ministerio mes
tambe mester tuma un ròl
mas grandi riba su mes.

Riba e pregunta kiko e
organisashonnan di krisis
riba e islanan mester hasi,
ta difisil pa kontestá, e mi-
nister ta rekonosé, pasobra
nunka esaki tabata stipulá.
Dor di esei e minisipionan
tampoko no por duna di ko-
nosé kiko nan tin mester pa
finansiamentu èkstra.

Riba tereno di kope-
rashon, parse ku e islanan
sigur ta trein tur hende, pero
no ku otro. Yeşilgöz ke bai
wak tambe na Aruba, Kòr-
sou i Sint Maarten, kon por
hasi afsprak. Di e manera
akí tur e islanan por yuda
otro mihó na momentu di
desaster.

Plaka èkstra

E minister ta primintí di
tuma e kritika di kurason
i bai traha huntu ku e mu-
nisipionan partikular, e ta
skirbi Tweede Kamer. “E
mester ta kla sinembargo
ku mi ministerio promé i
prinsipalmente ta trahando
riba esaki.”

Riba e presupuesto
eksistente ta bini kada aña

un 330 mil euro asina èkstra
pa Boneiru, Sint Eustatius i
Saba. Pa 2023 ta trata di un
suma di mas òf ménos 500
mil euro i entrante 2024 di
mas òf ménos 800 mil euro.

Loke sí ta bai bon

Positivo ta, segun e in-
spekshon, ta ku Saba i Sint
Eustatius awor ta ménos
dependiente pa transporte
di produktonan di ayudo,

awa i remedi, durante un
desaster.

Esaki ta bini dor di kon-
strukshon di un aeropuerto
nobo na Sint Eustatius i
mas posibilidat pa trans-
porte via laman.

E téknika di e netwerk
gsm i e sentro di notifi-
kashon di e servisionan di
ayudo, 911, tambe a me-
horá riba e islanan, e ins-
pekshon ta mira.

Gradisimentu i Invitashon

“Señor ta mi wardadó, pues mi no tin falta di nada.
Den kumuku di yerba bèrdé E ta pone mi sosegá.”

Salmo 23

Mama, rumannan, subrinunan i demas famia ta gradisi tur ku na
un manera òf otro a mustra atenshon i sosten durante malesa,
fayesimentu i entierro di nos defuntu stimá:

Ruthsella “Ruth” Willems

Alabes nos ta invitá pa un santu sakrifisio di misa na misa di
Coromoto, Antriol, djasabra, 3 di yùni 2023, pa 7:30 di anochi.
Aseptá esaki komo un invitashon personal.



*Maske mi kurpa i kurason por sukumbí Dios ta
semper mi baranka,
E ta mi poseshon, mi n’ por pèrd’É.
Salmo 73:26*

A pasa pa bida eterno

**Señora Esther Maria Henriëtte
Pourier-Thodé**

* 17-12-1957 – † 25-05-2023

Na nòmber di su kasá:

Sheurmen Pourier

Yunan:

Crystel i Tyresse Hendrick-Pourier

Christopher Pourier

Rumannan:

Judith Thodé †

Ruth Bontje-Thodé

Prima/Ruman:

Ivonne i Michael Obersi-Abdul i yunan

Subrinonan:

Nina i Nadyr Francees-den Heyer i yunan

Michelle den Heyer

Joshua i Ildriana den Heyer-Cecilia i yunan

Shackira Sint Jago

Bon amiga:

Evenelle Garcia

Tanta i tionan, primu i primanan, sua i kuñanan

Demas famia, amigu, èks-kolega, bisiña i konosi

Nos ta pidi nos diskulpa si den nos tristesa nos por a
lubidá algun persona.

**Konforme deseo di e defuntu e kremashon a
tuma lugá den seno familiar.**

Nos ke gradisi tur persona ku di un manera òf otro
manera a mustra atenshon durante nos momentunan
difisil. A hasi nos bon di sinti ku nos defuntu a toka
kurason i bida di hopi na un manera positivo i spesial.



Pronóstiko di tempu pa Boneiru

Djaweps 01 te Djabièrnè 02 Yùni 2023

Periodo ku solo i mañan chens pa un áwaseru

Tin periodo ku solo i mañan tin un chens chikí pa un áwaseru. E tem-
peratura máksimo lo ta 32°C, e temperatura mínimo 27°C. E bientu ost
ta moderá te basta fuerte, forsa 4 te 5.

Altura di ola: 1.0-1.5 m (4-5 pia)

* Altura di ola válido pa laman grandi



Un luna mas a yama ayó. Mei 2023 tambe ta bai den buki di historia. Ta manera kos ku ta ayera tabata promé di mei i tabata dia di trahadó. Awe ya e ta pasado i nos ta literalmente meimei di aña. Seis luna a sobra. Ta bon momento pa para ketu i mira bek kiko a bai bon, ménos bon i kiko por bai mihó. Na inisio di aña hopi ta pone diferente meta i kosnan ku nan ke realisá pa fin di aña. Si awe bo saka bo lista i nota ku muchu kos no a realisá, ta bon momentu pa bo kòrda ku a sobra bo seis luna mas.

E ta apliká pa mi mes tambe. Seis luna a sobra mi pa tur e shen mil kosnan ku mi ke hasi òf mira kristalisá. Ta un guera tenas kontra tempu i oloshi e kos aki ta. Inkreibel. Mi no ta kere ta mi so, pero hopi bia anochi ku kas ta ketu, tur kos ku mi mester kòrda hasi ta presentá. Sea ta app pa regla òf puntra algu, manda mail, kontestá pregunta, kòrda ku mi mester a yama un entidat pa algu..enfín. E lista ta sigui bai. Mi ta konvensi ku huntu ku mi tin basta hende mas ta pasa den meskos. Òf tin bia nèt bo ta pone kabes riba kusinchi i ta realisá ku e wea di aros no ta den frishidèr. Hala dos rosea profundo i lanta numa. Tira wea di kuminda afó no ta nada pa mi

Resientemente mi tabata na botika ku mi yu pa tuma remedi pa e mes. Skol a yama mi ku e tabata grawatá poko inkontrolabel i ku si mi por a bin busk'e pa wak ta kiko ta pasando. Kompai su kabes tabata bon. E tabatin un ratu basta ameno huntu ku dòkter, kos ku no sa pasa. A bai dje leu ei ku na lugá di ban kas, el a kai sinta riba dòkter su skochi. Bunita. Nada kontra, alkontrario, sikiera asina e ta kompensá e último bia ku el a hasi un drama. Na botika nos tur sa kuantu ratu bo ta tarda. Pa un mucha ku tin outismo no ta fásil komprondé kiko ta warda un ratu. Den e kaso aki, hopi ratu.

Segun ASOTEKO:

“PREIS IMPAGABEL”

K R A L E N D I J K - Si sigui splikashon di ASOTEKO, un siudadano pronto lo paga suma haltu pa un tereno. “For di momentu ku e Maneho di Tereno nobo ta dreña na vigor, asta esnan ku a spera añanan largu kaba pa haña tereno, lo mester bai paga preis di merkado.

Esaki ta e punto di bista di gobièrnu. Preis di merkado ta varia entre 25,000.- te asta 90,000 dòler, dependé unda e tereno ta ubiká”, abogado mr. Michiel Bijkerk a splika. E ta representante di e Asosashon pa Otorgamentu di Erfpacht sin Korupshon (ASOTEKO).

Riba medio sosial ASOTEKO a hasi yamada na komunidad pa sostené nan petishon na Konseho Insular konserní e topiko aki. Riba nan página di facebook ta amplia.

Lo no respetá esnan

ku ta riba Lista di Espera. Abogado di gobièrnu a bisa pretu riba blanku ku lo NO tin ni sikiera ‘eerbiedigende werking’, sino ‘onmiddellijke werking’.

Nos lo muestra prensa kiko e abogado a skirbi presis, por si akaso kualkier reportero no ta kere nos. E ta komprendibel si hende no ta kere nos. Pasobra e abusu aki ta asina kruek, ku ta simplemente inkreibel ku un gobièrnu Boneriano lo por tin e tipo di plannan inhumano aki. Pero ta un echo. Nos ta invitá prensa pa bin wak pa nan mes ku nan propio wowo.

Nos no ta kulpa Hulanda. Nos sa ku Hulanda ta tras di esaki, pero nos no ta kulpa nan. Nos ta kulpa nos propio Konseho Insular. Ta nan a aprobá e Maneho di Tereno nobo ku ta inklui e barbaridatnan aki. Ta nan no tabatin e kurashi pa para

Hulanda. Maneho di Tereno ta un asunto Boneriano! Ta Boneiru tin derecho pa disidí over di esaki. Nò Hulanda.

Pero ainda no ta lat i resientemente Konseho Insular a demostrá ku nan a haña un tiki kurashi tòg. Dia 2 di mei 2023 Konseho Insular a pasa un moshon bisando Hulanda pa no kambia niun lei konstitushonal sin pèrmit previo di Konseho Insular.

Wèl, por fin. Ta un komienso.

Ta p’esei ASOTEKO ta duna Konseho Insular un chèns pa sigui riba e bon kaminda aki. Pa tumarienda sikiera di e asuntunan ku ta toka Boneiru dirèkt. Manera Maneho di Tereno.

Nos a bisa diputado James Kroon tambe. Maneho di Tereno ta un asunto di suficiente peso pa bula gobièrnu over di dje.

Pero James no tabatin e kurashi pa hasié. El a preferá di dùm ASOTEKO. Wèl, pabien James! Dor di bo akto, ta pueblo ta haña e slanan awor!

Pero asta pa James Kroon tin un chèns pa reko-brá su honor dor di ta e promé persona pa firma nos petishon na Konseho Insular.

Nos ta spera di mira bo dia 4 di yuni 2023 na Sentro di Bario Nort di Saliña. Nos ta warda bo aya pa 11.30’or di mainta. ASOTEKO lo ta aya bendiendo kuminda pa krea fondo. Demostrá bo solidaridat ku pueblo y bin firma e petishon!

BONERIANO a tuma kontakto ku Entidat Públiko Boneiru (EPB) pa un reakshon i nan a primintí ku pronto lo saka un komunikado di prensa amplio tokante e topiko aki.

Rignald Yankey den Herensia


K R A L E N D I J K - Den e promé Herensia di e siman aki, pasando for di djáron na Bonaire.tv, por mira Rignald Cecilio Philomeno Yankey di Kòrsou komo invitado. Ta un persona ku trayekto impreshonante den mundu musikal i tambe den polítika. Pero no a yega mes na papia riba e parti ei di su karera.

Yankey a nase na Kòrsou, kaminda Velli Gijsbertha a aserk’é pa papia di su

bida i karera.

Hopi hende ta kòrda Yankey komo dirigente den kor. “Mi no a yega mes pa papia ku Yankey tokante kor i polítika”, Velli a bisa, loke ta muestra kon impreshonante su bida tabata te awor. Sobrá lo bini den otro grabashon.

E programa Herensia ku Rignald Yankey ta pasa awe djabièrnè pa 8’or di anochi i mañan djasabra mainta 8’or.



Popularidat ta relativo
P’esei un propio estilo
No solamente pa ta eksitoso
Sino sigur mas balioso

BròKèS 93.5 FM
pokopoko pero sigur mas i mas hende ta ...
Skuch’è

Telefon/ WhatsApp +599 701 0935
www.radio935bonaire.com

Embahador di Boneiru pa luna di mei

KRALENDIJK -- Durante luna di mei Tourism Corporation Bonaire (TCB), a duna rekonosementu na diesun bishitante komo embahador di Boneiru, den kategoria di bròns, plata i oro.

Den kategoria bròns a rekonosé Lee Steichen i Robyn Schacherer, ku ta bishitando Boneiru pa 12 aña i tambe Timothy i Regina Manville, pa nan di 10 aña di bishita na Boneiru.

Durante di nan entrevista, nan a duna di konosé ku nan ta enkantá ku Boneiru su bida marino i su kondishon di tempu, pero prinsipalmente e hendenan amabel di e isla.

Otro bishitantenan ku a haña rekonosementu ta, Alejandra Rosa i Javier Settau, prosedente di Argentina i e parehanan Robert i Monica Gabbard i Jeannie i Robert Arnold, prosedente di Merka.

Nan tur ta bishitá Boneiru pa 15 aña kaba i nan a keda honrá ku un feneta di plata.

Un feneta di oro a keda otorgá na Tim Schaeffer prosedente di Merka, kende ta bishitando Boneiru pa 20 aña.

Pa TCB, Virgy Balentin, Rishuena Sint Jago i Helen Mercera, a hasi entrega di sertifikado i e fenetanan korespondiente na e embahadornan nobo.



Sekretario di Estado van Ooijen ta bishitá Boneiru

KRALENDIJK -- Sekretario di Estado, Maarten van Ooijen, di e ministerio di salubridat públiko, bienestar i deporte, VWS, ta hasi un bishita di trabou pa Boneiru. E temanan mas importante ku ta planiá pa e bishita i kombersashonnan, ta kuido, kuido pa hóben i pasado di sklabitut, den relashon na salú den e parti Karibense di Reino i tambe e konsulta kuartpartit ku ta tuma lugá anualmente.

Djamars 6 di yuni van Ooijen ta kuminsá e dia ku un enkuentro ku Kolegio Ehekutivo di Boneiru i despues ta hiba un kombersashon ku FuHiKuBo i e plataforma diálogo pasado di sklabitut Boneiru.

E sekretario di estado

ta papia ku algun dòkter di kas i e organisashon general di dòkternan di kas, PCC. Simultáneamente na tur isla, Sekretario di Estado Van Ooijen i diputado James Kroon di Boneiru, Komisario di Gobièrnu Alida Francis di Sint Eustatius i diputado Heyliger di

Saba, ta firma e akuerdonan atministrativo kaminda ta regla kuido pa hóben mihó na Karibe Hulandes.

Tambe tin un enkuentro físico i online ku diferente partido tokante e implementashon i komienso di e trayekto sosten sosial na e tres islanan.



Garage Valdez

ta buska

-electricista automotriz

-mester tin eksperensia

Mas inf. tel. nr. **701-3848**

Kachónan agresivo

KRALENDIJK – Tin un kas dilanti di e sentro sentral di WEB, SCADA, banda di Kolegio Rayo di Solo, kaminda tin sinku kachó agresivo.


Djárason atardi pa anochi, dos persona koriendo riba skuter, a keda ataká pa

e kachónan akí. E kachónan a ranka bini riba un di e personanan i a ranka su tas i kit'é for di dje, poniendo ku el a kai i haña leshon na su pia.

Esaki no ta promé biá ku esaki ta sosodé momentu ku e kachónan akí ta ataká

hende. Un otro biá un di nan a ataká i morde pia di un persona momentu ku e tabata pasando riba skuter.

Ta bon pa e outoridatnan konserní tira un bista na e sitio i pone doño di e kachónan akí responsabel pa nan aktonan.



NO TA BON PA TA BO SO!

Skritura: Romanonan 16:1-16

“Un mandamentu nobo Mi ta duna boso, pa boso stima otro, i meskos ku Ami a stima boso, pa boso tambe stima otro.” Juan 13:34(BS)

Sera amistad no ta un di mi áreanan mas fuerte. Hopi biaha e ta tuma mi poko tempu pa evaluá i despues desaroyá i forma un relashon. Ma apesar di esaki mi ta rekonosé ku amistad ta algu hopi importante, nos un tin mester di otro den un forma òf otro. Especialmente den nos mundu elektrónico di awendia ku ta laga hopi hende den soledat i nesesidat mental.

Mi ta riska bisa pa forma amistad riba terenonan diversifiká. No wak solamente koló, kabei, estudio, religion, nashonalidat, status, famia, etc. ma wak kon abo i ami por ta di yudansa pa un otro. Bai mas profundo, ta mas spesífiko, wak e persona su nesesidat emoshonal i spiritual, asina yena bashí mas profundo.

Den e Skritura di awe nos ta mira kon Pablo ta manda saludo personal dor di menshoná nòmber spesífiko di hendenan di diferente gremio; Hudiu, gentil, studiá, lider, etc. Bunita ehèmpel kon biba den kompañerismo ku otro no opstante nan diferensianan.

E versíkulo di awe ta bisa; Stima otro meskos ku Hesus a stima boso; algun manera práktiko kon nos por mustra stimashon na otro:

- Enkurashá otro – Hebreonan 3:13
- Aseptá otro – Romanonan 15:7
- Konfesá piká i hasi orashon un pa otro – Santiago 5:16

- Sirbi otro den humildat – Filipensenan 2:3 i 4
- Biba na pas ku otro – Romanonan 12:18
- Ta kariñoso i misericórdioso ku otro – Efesianan 4:32

Kada un ku su diferensia; ma Un Famia den Kristu!

Gilda Beukenboom-Sintjago
Produkshon PGM

Programanan di Bonaire.tv

TELBO kanal 70

Flamingo TV kanal 23

Djabièrnè 02 yuni 2023

12.00 Herensia:	Max Erwin Juan de Grijze
13.00 Dokumental:	Nikiboko
15.00 Herensia Korsou:	Jan Boutmy
16.00 Aktualidat:	Johnrick Anthony huntu ku Miss Teen Nicole Cardenas
16.30 Aki Bonaire:	Classical Music Board - Gala concert
18.00 Herensia:	Hilda de Windt-Ayoubi
19.00 BAPA:	Alfred Ramon George (Yellowman) Martis
20.00 Herensia Korsou:	Rignald Cecilio Philomen Yankey
21.00 Aki Boneiru:	Ellen Herrera - muraya Roi Lamunchi
22.00 Herensia:	Jolanda Wiel
23.00 BAPA:	Wil en Huib Vos

Tur mèrdia 12'or ta kuminsá un programashon nobo di 4 ora. E programashon aki ta ripití pa 24:00.



Bonaire.tv
Historia | Kultura | Naturalesa

Debí na salario muchu abou

Personal hospital ta drai riba djòp èkstra

KRALENDIJK – Na Boneiru diferente trahadó di hospital mester traha un di dos trabou, pasobra nan salario ta muchu abou. Sindikato AFBW ta bringa pa oumento di salario fuerte, esaki di akuerdo ku un publikashon di Caribisch Netwerk, skirbí pa Nathaly Evertsz. “Komo sindikato nos ta mira ku nos miembronan tin biá mester hasi dos te tres trabou,” presidente di AFBW, Cherel Kwidama, ta konta. Ta pa esaki tambe e negosashonnan di e aktual CAO ta bai.

Direktor

Dòkter

Giovanni Frans di e hospital di Fundashon Mariadal, tambe ta mira ku diferente trahadó tin problema finansiero, pero no tin presupuesto pa oumentá salario direktamente.

Frans: “E bankonan di kuminda ta kontá mi ku ketu bai nan ta mira mas trahadó di Mariadal bini pa tuma pakete, pa asina por alimentá nan yunan. Bo por imaginá bo mes ku un hende ta traha ocho ora den hospital i despues mester bolbe bai traha otro kaminada i e siguiente dia tempran ta serka nos bèk pa traha.”

Traha ménos, gana mas

E sindikato ta bisa ku e ta haña remarkabel ku e kalidat di kuido na e munisipionan karibense ta meskos ku esun na Hulanda, pero e salarionan no ta igual.

“Un enfermera ku bini Boneiru for di Hulanda i aki nan ta haña ainda mesun salario pa 36 ora pa siman, miéntas e enfermera boneriano mester traha 40 ora pa siman i ainda ta gana ménos,” Kwidama ta indiká.

E direktor di Fundashon Mariadal anteriormente a

bati alarma tokante e falta di personal den e hospital. Hopi profeshonal den kuido ta na kas malu, pasobra nan ta traha di mas. E hospital ta spera ku ainda mas ta kai afó i a lanta un tim di krísis.

Negosashon

Siman pasá Kwidama tabata na Sint Maarten pa negosashon di un akuerdo di trabou kolektivo pa e sektor di kuido na e munisipionan karibense. Nos a papia tokante e puntonan ku presisamente tin relashon ku loke ta sosodiendo na Mariadal. E salarionan

mester subi conforme e merkado meskos ku na Hulanda.

AFWB ta pensa ku salario por subi te na momentu numa ku bini mas presupuesto for di Gobièrnu di Reino. Komo partnernan den kuido, mester uni i splika e ministerio di salubridat públiko, bienestar di deporte, VWS, ku nos mester haña trato igual, segun Kwidama.

Konkretamente: “E salarionan mester subi i e kosto di bida mester baha. Pa esaki e demostrashon di 12 di mei tambe a bai.”

Treinen ‘Girls’Talk & Make a Move’

KRALENDIJK -- Di 16 pa 24 di mei a trein 24 profeshonal di enseñansa, kuido i bienestar di hubentut, den e programanan di prevenshon ‘Girls’Talk i Make a Move’. Rutgers, sentro di ekspertisio di seksualidat, a duna e treinen, riba invitashon di Fundashon Komunitat di Skol di Boneiru, SGB.

Dor di siña hóbennan mas tokante seksualidat, relashonnan i komportashon respetuoso, por preveni

komportashon seksual no deseá mas tantu.

Konosementu di propio deseo i límitenan, ta hasi hóbennan mas resistente i kapas pa hasi eskoho saludabel i seif riba tereno di relashonnan i seksualidat.

‘Girls’Talk’ ta pa mucha muhé i ‘Make a Move’ pa mucha hònber, di e edat entre 12 i 21 aña. E treinen ta konsistí di 8 lès i ta adekuá pa tur nivel di estudio. Tambe tin un treinen spesial pa hóbennan ku un

limitashon mental leve.

E 24 profeshonalnan di trein di e 6 instansianan EOZ, Fundashon FORMA, Kuido di hubentut, MHC mucha i hóben, Grupo ZW i SGB, awor ta eksperto i por utilisá e treinen komo lès na skol i usa e kontenido den nan trabou na Boneiru.

Partisipante i treineran ta wak bèk riba un treinen inspirativo i balioso. Treineran tabata Marianne Jonker, Yuri Ohlrichs i Marieke van der Sanden.



Siña di bo historia,
kultura i naturalesa

Bonaire.tv
Historia | Kultura | Naturalesa

TELBO kanal 70 Flamingo TV kanal 23

Raymari B.V.

ta buska

- **1 metselaar**

- **1 loodgieter**

Mas inf. tel. nr. **782-0119**

Una bes riba e islanan

Estranhero ta bira vulnerabel

KRALENDIJK -- Di-
anan 30 i 31 di mei a tuma
lugá un treinen di dos dia
relashoná ku trafikashon
di hende na Boneiru. Meta
di e treinen ta pa prepará
funshonarionan di orga-
nisashonnan ku ta traha
huntu den e kadena di
Imigrashon di Karibe Hu-
landes, pa bira eksperto

riba trafikashon di hende.
Henk Werson, liason di
Polis Nashonal pa e re-
gion Karibense i Venezu-
ela, a duna e treinen.

Boneiru i Saba i Sint
Eustatius algu ménos, ta
atraktivo pa migrantenan
for di e region pa motibu
di e perspektiva di trabou,
e bon fasilitatnan i e pre-

sensia di otro migrantenan
ku por funshoná komo
kabes di brùg. Unabes
riba e islanan, estranhero-
nan ilegal ta vulnerabel.

Hopi biá ta e kaso ku
nan mester a hasi debenan
grandi na e retnan ku ta
dediká na trafikashon di
hende i nan no por paga e
debenan akí bèk.

Esaki por tin komo
konsekuensia ku nan
ta kai den situashon di
eksplotashon, sea den
prostitushon, konstruk-
shon, òf den industria di
hospitalidat. Eksplotashon
kriminal tambe ta tuma
lugá.

Institutonan manera
Servisio di Imigrashon i
Naturalisashon Karibe Hu-
landes, IND, Inspekshon
di Labor di Asuntunan
Sosial i Labor, SZW CN,
Kuerpo Polisial Karibe
Hulandes, KPCN, Konin-
klijke Marechaussee
(KMar) i tambe Duana
Karibe Hulandes, BCN,
regularmente ta haña nan
ta dil, sea konsientemente
òf inkonsientemente, ku
víktimanan di trafikashon
di hende.

Ta importante ku e in-
stitutonan aki ta rekonosé
i tuma akshon kontra se-
ñalnan di trafikashon i
kontrabanda di hende.

Temanan ku a trata di
forma interaktivo pa me-
dio di kasonan i video,
tabata entre otro kua ta
e diferencia entre trafi-
kashon di hende di hende,
e panorama di kriminali-
dat den e region i su re-
lashon ku trafikashon di
hende i kontrabanda di
hende, rekonosementu di
e señalnan di trafikashon
di hende, e posibilidatnan
hurídiko, pero prinsipal-
mente enfatisando e ko-
laborashon den e kadena
di imigrashon tokante e
maneho i repartishon di
informashon.

Treiner Henk Werson:
“Trafikashon di hende di
hende ta un delito típiko.
Víktimanan no ta hasi de-
nunsia lihé. P'esei ta im-
portante ku e kadena di
Imigrashon ta rekonosé
e señalnan na tempu. Ta
mihó prevení ku lamentá.”

Partisipantenan den
e treinen tabata funsho-
narionan di IND, KMar,
KPCN, SZW i BCN.

Entre e partisipantenan
pa promé biá tambe a par-
tisipá funshonarionan di
Sentro Aksesio Boneiru,
un organisashon pa kuido
i ayudo sosial na Boneiru.
Ingrid Sealy, manager di
unidade di IND, a habri e
treinen.

E kadena di Imigrashon
ta invertí anualmente den
desaroyo di ekspertisio i
ta traha pa fortifiká i po-
sishoná e kadena di Imi-
grashon mihó pa asina
atendé ku trafikashon di
hende di hende na Ka-
ribe Hulandes. Ademas, e
kadena di Imigrashon ke
hasi komunidad mas kon-
siente di e problema akí,
ku tambe ta presente riba
nos islanan.

Na 2021, Polis Nasho-
nal a apuntá Henk Wer-
son, komo liason di Polis
pa Reino i Venezuela.

Na Polis Nashonal el a
dediká su mes pa hopi aña
na kombatementu nasho-
nal i internashonal di trafi-
kashon di hende i awor
ta traha pa kontribuí na e
lucha kontra trafikashon
di hende den e region Ka-
ribense.



Vera Dohemn kabes di skol Het Koraal


“Semper mi a deseá pa Koraal ta grátis”

KRALENDIJK —
Djárason 31 di mei skol
básiko Het Koraal a risibí
notisia ofisial di parti di
ministerio di enseñansa
hulandes ku nan lo risibí
supsidio entrante aña es-
kolar 2024/2025. Esaki
ta nifiká ku mayornan no
mester paga mas pa e yu
por bai Het Koraal.

“Nos ta hopi kontentu
di risibí e notisia ofisial.
Personalmente, esaki ta
loke semper mi tabata ke.
Un lugá edukativo asepta-
bel pa muchanan ku nese-
sidadnan spesial. Ku e de-
sishon aki, nos edukashon
ta aksesibel i posibel pa
tur mucha,” asina direktor
di e skol Vera Dohmen-
Vergoossen a deklará na
BONERIANO. Mas aleu
e ta sigui splika ku awor
ku e skol ta bai haña sup-

sidio por paga e personal
tambe loke nan meresé.
Esaki no tabata posibel
debí ku e skol tabata priva
i ta dependé di spònsernan i
mayornan pa por kumpli ku
nan debenan. E desishon ta
duna e skol espasio desar-
oyá kalidat awor tin mas sèn

disponibel. Dohmen ta
konsiente ku e skol ta bai
krese rapidamente.” Nos
ta konsiente ku Het Ko-
raal ta bai krese rápidam-
ente. Nos ta hasiendo es-
aki den etapa pa por keda
duna enseñansa di kalidat
na nos muchanan.”



Details Services BV

ta buska

personal pa limpiesa

- Edat 21+

Pa mas **informashon** por tuma kontakto ku
number di telefón **784-3234**

Pa **aplikashon** por pasa personal na
Kaya Atom # 19 Storage 24



Global Airlines ta kumpra A380

KRALENDIJK – E kompania di aviashon britániko nobo, Global Airlines, a kumpra un Airbus A380. Otro aña e kompania ke kuminsá ku buelonan komersial. Djaluna Global Airlines a bini ku un notisia sorprendente. E avion ku tabata bula anteriormente pa Hi Fly Malta i



Den Boeing 787

Dòkter ta tene pasahero sinku ora na bida

KRALENDIJK – Un Boeing 787 di Air India siman pasá a realisá un aterisahe no planiá, despues ku un pasahero di 57 aña a haña ataka di kurason.

E avion, registrá VT-ANO, a sali mitar di diesdos di mainta for di Tokio Narita Airport pa Delhi. Momentu ku e avion ya tabata algun tempu na kaminda, un dòkter mester a dreña akshon.

E Boeing 787 bulando riba China, na e momentu ei tabata sinku ora for di

Kolkata. Tabata un pregunta si e pasahero en kuestion por a haña ayudo médiko na e aeropuerto chines. P'esei e siruhano Deepak Puri, kende a asistí na un konferensia di dos dia 'Cardiomersion World Heart Congress', tabatin su man yen te India.

Sí un pasahero haña un ataka di kurason, e personal di kabina ta puntra sí un hende tin base médiko na bordo pa duna asistensia. Tin biá steward i stewardess mes ta haña kurso pa

duna promé ousilio.

Sí mester duna yudansa den un avion, Dòkter Deepak Puri, tambe a mira. "Tabata un tarea pisá pa ku medionan médiko limitá ku ta disponibel durante e buelo, pa tene e pashènt sinku ora na bida," e dòkter a bisa Simple Flying.

E paro di kurason a kondusí ku e pashènt pa algun tempu no tabatin pòls i bati-mentu di kurason. Un reashon riba e sesunan, tambe no tabata tei. Sí dentro di tres pa sinku minüt no ofre-

Singapore Airlines, awor ta stashoná na Tarbes-Lourdes Airport, den sur di Fransia.

E avion ya tin nòmber i logo di Global Airlines. E empresa e próksimo lunanan ainda ke kumpra tres A380. E kompania ta planiá pa desde inisio di 2024 realisá buelo entre London i Estádos Unídos.

Loke ta remarkabel, ta ku un kompania di aviashon nobo ta skohe pa kumpra un A380 komo promé avion. Mas kompania ta hasi esaki den fase pa mas efisiensia ku avionnan duradero di dos motor. Tambe ketu bai ta usando avionnan mas chikitu, manera Airbus A321LR, pa buelonan transatlántiko.

Loke tambe ta remarkabel mas aleu, ta ku e kompania ta kumpra e

avion na lugá di leaset. James Asquith, direktor general di Global Airlines, ta splika e motibu di e eskoho: "Dor di kumpra nos avionnan na lugá di leas, nos ta demostrá nos siguridat finansiero i kapasidat."

E A380, registrá 9H-MIP, desde inisio di 2021 ta stashoná na Sur Fransia. E tempu ei a pensa ku ta bai desmantelá e avion, pero a resultá despues ku ta trata di un otro A380.

Finalmente e avion a bula 2 aña i mei pa Hi Fly. E kompania charter kasamente por a yena e avion.

Despues di un intento pa sigui ku e avion den un vershon di karga, tòg e kompania mester a tuma despedida di su úniko A380.


sé yudansa, por papia di un morto di sesu permanente.

"Pa un ataka di kurason mi a hasi uso di reanimashon pulmonar, kamin-da nos tabata riba laman i e destinashon mas serka tabata Kolkata, sinku ora mas leu, pues nos tabatin un tarea pisá pa tene e pashènt sinku ora stabil ku medionan di reanimashon minimal."

Un ambulans tabata war-

da e Boeing 787 na Kolkata i a hiba e pasahero hospital. E dòkter a haña aplousu grandi di e otro pasaheronan i personal di kabina pa a salba bida di e pasahero.

Dòkter Deepak Puri a laga sa ku e pasahero ta stabil i su nirnan ta funshoná. E Boeing 787 a lanta 4'or, ora lokal, pa kontinuá ku su sobra di buelo direkshon Delhi.



`Taste of Cocari`

KRALENDIJK-- Djabièrnè 26 di mei Zorg en Welzijngroep tabatin e promé edishon di Taste of Cocari.

Tabata un aktivitat unda pasadianan Cocari, Villa Antonia i Kas Sabana a demonstrá di nan talento

kulinario i artístiko. Enfoke di e aktivitatnan ku e kasnan di grandi aki ta ofresé ta pa mantené e kapasidat i abilidad di e grandinan. E grandinan por a gosa di e konsepto estilo Taste of Bonaire den un ambiente mas trankil i relahante.



E lo a kumpli 105 aña

Swinda Trinidad ta rekordá su tata Raul

KRALENDIJK—Djasabra 27 di mei Raul Trinidad lo a kumpli 105 aña si e tabata na bida. Den e kuadro aki su yu muhé, Swinda Trinidad no kier a laga e dia bai sin rekordá su tata. El a pone un plakát na e graf i despues parti un salu pafó di santana.



Caribisch Nederland
Belastingdienst

Bo cuenta riba MijnCN protehá na diferente manera

Entrante promé di sèptèmber 2022 ta nesesario pa, banda di e protekshon standard pa aktivá tambe '2-FactorAuthenticatie'.

E ora ei bo no ta usa 1, pero 2 yabi pa habri e kandal pa yega na bo cuenta. Si bo a aktivá '2-Factor Authenticatie' kaba pa SZW riba MijnCN, e ora ei e ta traha outomátikamente pa Belastingdienst tambe.

MijnCN.nl, fásil, seif i rápido!



Alex Ibañez ta kumpra kurason di turista

KRALENDIJK -- Alex Ibañez, un persona masha servisial, bon pa sirbi e turista ku ta bishitá Boneiru. E ta laborá riba e barku di bela Lady Bellais, kaminda e ta entretené turistanan durante nan trep ku e barku. Un persona hopi sosial, ku bon eksperensia, kon ko-

muniká, entretené i sostené e turista, durante un paseo ku barku na kosta parti nort di Playa. Turistanan mes ta bisa na final di nan trep ku e servisio tabata total.

Alex na diferente momentu riba e barku di bela Lady Bellais, ta papia ku e turistanan, entre otro bisa

nan promé ku drenta laman no ta konsumí alkohòl. E ta ekspres'é den un forma poko chistoso, bisa nan ku a yega di sosodé momentu hende tuma alkohòl i despues drenta laman, nan ta mira e piskánan dos biá mas grandi ku nan ta, tambe segun nan, ku nan

ta mashá serka di e piská, loke no ta realidat. Esei ta sosodé pasobra e alkohòl ta desorientá un hende. Pues evitá di konsumí alkohòl promé ku drenta laman.

Alex ta bisa e turista despues ku landa bar ta habrí pa dal un drenk. E ta bisa nan: "Wine will be 2 for nothing". Hahaha, hendenan ta hari, pasobra nan ta kere e tabata bai bisa manera kustumbrá ku deskuento 1 pa 2 dòler i 2 pa 3 dòler. Djis un ehèmpel. Momentu e barku yega

waf, Alex ta bisa e turista wak bon pa no laga nada atras, manera tas, sapatu, esposo, òf esposa, hoyu, no keda riba barku. Turistanan ta hari un mundu, e forma ku e ta ekspresá.

Sigur un tremendo persona den su trabou. Esaki ta djis algun di e kosnan ku e ta bisa. Sigur e kapitan di e barku Lady Bellais, Nino Domacassé, ta orguyoso di Alex. Sigur ta henter e tim ta hasi nan esfuerso pa e turista ta bon sirbí durante e paseo.



Rijksinstituut voor Volksgezondheid
en Milieu
Ministerie van Volksgezondheid,
Welzijn en Sport

RIVM ta buska:
**KOLABORADÓ
ADMINISTRATIVO**

**Bo gusta atendé ku hende i abo sa kon
pa informá nan? Abo ta empátiko,
proaktivo i desisivo? E ora ei nos ta
buska abo!**

Mas informashon?
Bishitá www.rijksdienstcn.com/vakatura

Fecha di klousura: 14 di yuni 2023



Diesun aña patruya di bich

KRALENDIJK – E aña akí Sea Turtle Conservation Center (STCB), ta selebrá 11 aña di patruya di bich. Na 2012 STCB a ekspandé su kapasidat dor di trein boluntarionan pa bira patruyero di bich.

E patruyeronan di bich a aportá staf di STCB dor di hasi patruya diario na tur bich kaminda turtuga ta subi pa traha neishi i pone webu na Boneiru.

Desde inisio di e programa akí, e kalidat di kolekshon di data i impakto di konservashon, a oumentá e trabou di STCB inmensamente.

Kada patruyero a risibí treinen serka staf di STCB i a bira un trainer boluntario. Interesadonan ku ke bira boluntario, por bishitá e website di STCB, òf email na cepa@bonaireturtles.org



Payroll Pro
HRM

www.payrollprohrm.com

The most complete payroll
and HR software in the
Caribbean!

Download the mobile app!

Google Play App Store

Anochi úniko ku plato sabroso

'2 Fools & a Bull' a habri su porta

KRALENDIJK -- Prepará bo mes pa eksperensiá un anochi úniko ku diferente plato sabroso. Dia promé di yüni 2023, '2 Fools & a Bull' a habri su porta pa por disfrutá di un ambiente gastronómiko, eksklusivo i inolvidabel.

Situá den kurason di Boneiru, '2 Fools and a Bull' tin un konsepto úniko ku ta distinguié for di otro restorantnan riba e isla.

Bishitantenan por sinta na e bar den forma di un U, ku ta akomodá te 17 persona i disfrutá di un sena

di sinku plato i mei prepará pa e master shèf di Boneiru, Fool #2, miéntras ta keda guiá dor di Fool #1, durante e anochi.

"Nos meta ta pa ofresé nos bishitantenan un eksperensia kulinario eksepsional ku nan nunca lo lubidá," John, Fool #1, ta bisa. Nos ke hiba nan den un biahe kulinario ku nan lo apresia pa semper.

Ku 45 aña di eksperensia kombiná den 'fine dining', e dos Fools-nan ta entusiasma pa kompartí nan konosementu i pashon ku nan bishitantenan.

Durante e anochi, Fool

#1 ta papia tokante e atributonan kulinario, miéntras ku Fool #2 ta presentá e platonan mas kreativo i eksklusivo.

'2 Fools and a Bull' ta un restorant eksklusivamente pa adulto, ku ta sirbi bishitantenan di 18 aña bai ariba. E menú ta konsistí di un sena di sinku plato i mei. Maske nan no ta sirbi kuminda vegetariano òf vegano, nan ta tuma restriksion diétiko den konsiderashon.

Pero e eksperensia no ta stòp einan. '2 Fools and a Bull' ta ofresé tambe dos opshon di 'wine pairing', regular i 'reserve selec-

tion'. Si bo no ta amante di biña, nan ta ofresé tambe un selekshon ekstensivo di bibida pa kualke gustu.

Ke men, si bo ta buska un restorant ku ta ofresé mas ku djis kuminda, '2 Fools and a Bull' ta e lugá pa ta. Ku su konsepto úniko, servisio eksepsional i platonan eksklusivo, e ta primintí di ta un eksperensia kulinario manera niun otro.

Reservá bo lugá awor i prepará bo mes pa keda deleitá. Por tin 399 otro restorant riba e isla, pero niun por ofresé loke '2 Fools and a Bull' ta ofresé.



Kabritu reskatá

KRALENDIJK -- Rangernan di Parke Nashonal Washington/Slagbaai balente, resientemente a kumpli ku un mision pa reskatá un kabritu ku a kai na awa, miéntras e tabata kanando riba klep.

Rangernan ku tabata patruyando a tende gritu di kabritu. Nan a bai stret na

e lokalidat i a baha na awa pa yega serka e kabritu ku tabata den awa.

E rangernan eksitosamente a saka e kabritu i tres'é bèk tera. E storia akí ta demostrá e espíritu di e tim di ranger i nan kompromiso pa protehá i protehá preservá nos naturalesa.



Enkueta kalidat di servisio di WEB

KRALENDIJK -- Durante e periodo di 1 pa 22 di yüni, kompania di awa i elektrisidat, WEB, ta tene un enkueta tokante kalidat di servisio pa loko ta trata awa i koriente na Boneiru. WEB ta invitá komunidat di Boneiru pa partisipá i laga tende nan opinion.

Ku e enkueta akí WEB ke haña un bista di e persepsion i satisfakshon di klientenan i kon por opti-

malisá e servisio i komunikashon na e kliente.

Basá riba e resultadonan di e investigashon, WEB por saka afó kua aspekto mester di atenshon i ki mehorashon konkreto mester implementá pa por garantisá e kalidat di servisio deseá. Tambe WEB ke haña un bista di eksperensia i deseo di habitantenan tokante produktonan duradero.

Por scan e QR code ku

un telefòn móbil, pa por haña aksesu na e lista di pregunta digital. Por haña e lista di pregunta tambe riba www.webbonairesurvey.com i facebook.com/webbonaire, for di 1 pa 22 di yüni.

WEB di antemano ta gradisí habitantenan pa nan partisipashon i kontribushon na futuro di e suministro di awa i koriente na Boneiru.

DEN PASONAN DI BÒI

E rúbrika aki no ta kos di tur dia den BONERIANO. Ta ora mi tin tempu, gana i tópiko pa skirbi ariba e ta sali. E tres elementonan aki ta hunga un ròl den sali-mentu di e rúbrika aki. E ta mas tantu un kos pa tene mi okupá, pa no lubidá e arte di skirbimentu. Tene tambe e dedenan fleksibel. Tene e tinu bei, purba pa no kai den ritishon.

E siman aki mi ta dal paso na Aruba. Mi ta riba un mishon aki pa graba HERENSIA, tene un charla pa BNA (Biblioteca Nacional Aruba) i mas kos. Move di aki pa aya i produsí. Mi meta ta di reskatá i reskatá historia di historia i kultura di tur isla. I mi ta hasié ku amor i pashon pa Aruba, ku semper m'a konsiderá komo mi segun-do isla. Mir'é den sekue-nsia di Boneiru, Aruba i Saba komo e islanan pa

kua mi tin mas afinidat.

Papiando di isla, ayera Mi-sha Spanner di e isla St. Eustatius a informá mi ku Ellis Lopes a fayesé. Mi ko-nosé Ellis di añanan ochen-ta kaba den ramo teatral, tempu ku komo Grupo Teatral Boneriano nos tabata partisipá ku regularidat na e Festival Internashonal di Drama na Aruba. Ellis tambe tabata partisipá ku su grupo na e festival aki. Ellis Lopes tabatin un amor

grandi pa teatro i literatura. Durante un di mi bishitanan na St. Eustatius mi a entre-vistá Ellis pa HERENSIA. Manera nan ta bisa aki na Aruba: Un Shon di Hende. E dianan aki su programa HERENSIA lo ritipí na Bo-naire.tv.

Ayera Winnie Paulo ku mi tabata serka gobernador di Aruba Alfonso Boekhoudt pa entrega di buki. Winnie a entregá un kolekshon di su bukinan di dicho i prover-bio, hopi di nan su propio kreashon tambe. Winnie tambe ta loke bo por yama un Shon di Hende. Nos a papia, kompañá pa Mirto Lacle i Astrid Britten di Bib-lioteca Nacional Aruba, nèt 1 ora ku e mandatario aki riba e tema di Papiamentu, ku na Aruba nan ta yama Papiamento. Mi a entregá Gobernador Boekhoudt e buki ku Cees Luckhart ku mi a kaba di saka.

Nos a produsí 10 programa HERENSIA e siman aki na Aruba, ku asistensia di Robby Solognier i su kole-ga Alex. Dos kamarógrafo ku ta hasi nan trabou ku pashon. Kualké momentu

awor mi por bula bai Aruba pa graba e programa aki. Tur e programanan aki, despues ku nan kaba pasa, ta bai riba e plataforma di-gital di biblioteca di Aruba, aksesibel pa tur hende.

HERENSIA ta sumamente popular na Aruba. Tur ka-minda mi ta topa hende ku ta bisa ku nan ta mirando e programa aki na Tele-Aruba, ku ta pasando nan

ku regularidat. Inkreibel. Rubianonan na mi opi-nion ta gusta i apresíá e programa aki mas ku nos bonerianonan mes. Dunele pa konstatá. Ayera un persona a bini personalmente te na Bi-blioteca Nacional pa pidi mi pa entrevist'é. Ta trata di Jaap Beaujon, nietu di Gezaghebber Richard (Hensi) Beaujon ku a tra-ha na Boneiru.



Durante mi estadia na Aruba mi a tene dos entrevista ku Leon Berenos, esta unu tokante historia di santa-na di kachó na Baby Beach/Seru Colorado i di 'Red District' di San Nicolas.



Loi Molina tambe m'a entrevistá pa HERENSIA e si-man aki. E ta di Rincon i na novèmber awor ta kumpli 90 aña.





Winnie Paulo ku mi ayera dilanti ofisina di Goberna-dor Boekhoudt.

MONCHI & TONCHI

Temporada di orkan a dal aden. Antoni ta promé riba lista.

Awel si, min ta spera sí ku su fam ta Nicolaas.



KOLOFÓN

Editor: Bonaire Communication Services N.V.
Kaya Irlanda 12,
Tel. 717-8482

Redakshon: extrabon@gmail.com
aviso: avisobon@gmail.com
Wèpsait: www.extraboneiru.com
Facebook: Extra Boneiru

Direktor
Shirley Martis
785-3824
796-3824

Partner na Aruba
Awe Mainta
Partner na Kòrsou
Extra
Partner na Boneiru
Live99

Redakshon
Papi Antoin
Nathaly
Evertsz-Ipcendencia
Velli Gijsbertha
Edson Pietersz
Ibi Piar (deporte)

Layout
Maya Beaumont

Konsehero:
Bòl Antoin
786-6818
Aviso
avisobon@gmail.com

Hudiunan tabata selebrá un fiesta pa yama danki pa e kosechonan, 50 dia despues di Pasku. D eina e nòmber Pentekòster ta bini. Despues, e sentido di e selebrashon a kam bia pa yama danki pa e Lei entregá na Moises.

Den e fiesta aki nan tabata rekordá e dia den kua Moises a subi seru di Sinaí i a risibí e tablanan di e lei i asina e pueblo di Israel loke Dios tabata ke di nan. Asina nan tabata selebrá, e aliansa di Tèstament Bieu ku e pueblo a estable sí ku Dios: nan a komprometé nan mes pa biba segun su mandamentunan i Dios a komprometé su mes pa ta semper ku nan.

Hendenan tabata bini di hopi lugá na e Tèmpel de Herusalèm, a selebrá e fiesta di Pentekòster.

Den e marko di e fiesta hudiu aki ta kaminda ta surgi nos fiesta kristian di Pentekòster.

E Promesa di Spiritu Santu

Durante e Último Sena, Hesus ta primintí su apòstelnan: “*Mi Tata manda un otro pa yuda boso, ku lo keda pa semper huntu ku boso: e spiritu di Bèrdat*” (San Huan 14, 16-17).

Mas adelante e ta bisa: “*Mi ta papia e kosnan aki ku boso miéntras Mi ta ku boso; pero esun ku lo yuda boso, e ta Spiritu Santu ku Tata lo manda den mi nòmber, lo siña*

boso tur kos i rekordá boso tur loke Ami a bisa boso.” (San Huan 14, 25-26).

Ora e sena a terminá, E ta bolbe hasi e mesun promesa: “*Ta kumbiní boso ku Mi ta bai, pues ora Mi ta bai Esun ku ta yuda boso lo bini,... Mi tin hopi kos mas di bisa boso, pero boso lo no por soportá nan aworakí. Ma ora e Spiritu di Bèrdat bini, E lo guia boso na bèrdat komplemento i kontá boso kosnan ku ta bai pasa*” (San Huan 16, 7-14).

Den e kalènder di Aña Litúrgiko, despues di e fiesta di Asenshon, na e sinkuenta dia di Resurekshon di Hesus, nos ta selebrá fiesta di Pentekòster.

Spilikashon di e fiesta:

Despues di Asenshon di Hesus, e apòstelnan tabata reuní ku Mama di Hesus. Tabata dia di e fiesta di Pentekòster. Nan tabatin miedu pa sali na prediká. Repentinamente, a skucha un biento fuerte i lenganan chikí di kandela a para riba kada un di nan.

Nan a keda yená di Spiritu Santu i nan a kuminsá papia den lenganan desconosí.

Den e dlanan ei, tabatin hopi stranhero i bishitantenan den Herusalèm, ku tabata bini di tur

Spesial di Pentekòster

Orígen di e fiesta

parti di mundu pa selebrá e fiesta di Pentekòster hudiu. Kada un tabata skucha e apòstelnan papia den nan propio idioma i nan tabata komprondé loke nan tabata papia perfektamente.

Nan tur, for di e dia ei, ya no tabatin miedu i a sali na prediká siñansanan di Hesus na hinter mundu. Spiritu Santu a duna nan forza pa e gran mishon ku nan tabatin pa kumpli kuné: Hiba e palabra di Hesus na tur nashon i batisá tur hende den nòmber di Tata, di Yu i di Spiritu Santu. Ta riba e dia aki Iglesia a kuminsá na eksistí komo tal.

Ken ta Spiritu Santu?

Spiritu santu ta Dios, e di Tres Persona di Santísima Trinidad. Iglesia ta siña nos ku Spiritu santu ta e amor ku ta eksistí entre Tata i Yu. E amor aki ta asina grandi i asina perfekto ku e ta forma un di tres persona. Spiritu santu ta yena nos alma den Boutismo i despues, di manera perfekto, den Konfirmashon. Ku e amor divino di Dios denter di nos, nos ta kapas pa stima Dios i e próhimo. Spiritu Santu ta yuda nos pa kumpli ku nos kompromiso di bida ku Hesus.

Señalnan di Spiritu Santu:

Bientu, kandela, palomba.

E simbolonan aki ta revelá na nos e podernan ku Spiritu Santu ta duna nos: Bientu ta un forza invisibel pero real. Asina Spiritu Santu ta. Kandela ta un elemento ku ta limpia. Por ehèmpel, ta sende kandela riba e tereno pa kita e yerbanan malu i por sembra bon simia. Den laboratorionan médiko pa purifiká instrumentonan ta sende kandela na nan.

Spiritu Santu ta un forza invisibel i poderoso ku ta biba den nos i ta purifiká nos di nos egoismo pa laga paso na amor.

Nòmbernan di Spiritu Santu.

Spiritu santu a risibí vários nòmber a lo largu di Tèstament Nobo: e Spiritu di Bèrdat, e Abogado, e Konsolador, e Santifikador.

Mishon di Spiritu Santu:

1. Spiritu Santu ta Santifikador: Pa Spiritu santu logra kumpli ku su funshon, nos mester entregá nos mes totalmente na

djE laga nos ser kondusí di forma sumiso pa su inspirashonnan p’asina ku E por perfeksioná nos i krese tur dia den santidat.

2. Spiritu Santu ta biba den nos: Den San Huan 14, 16, nos ta haña e siguiente frase: “Lo mi pidi Tata i E lo manda un otro p yuda boso i ku lo keda semper huntu ku boso”. Tambe, den I Korintio 3. 16 E ta bisa: “Boso no sa ku boso ta tempel di Dios i ku Spiritu di Dios ta biba den boso?”. Ta pa e rason aki nos mester respetá nos kurpa i nos alma. E ta den nos pa obra pasobra e ta “dunadó di bida” i e ta amor. E aseptashon aki ta kondishoná na nos aseptashon i kolaborashon liber. Si nos entrega nos mes na su akshon amoroso i santifikador, e lo hasi maravianan den nos.

3. Spiritu Santu ta resa den nos: Nos mester di un gran silencio interior i di un pobresa spiritual profundo pa pidi pa Spiritu Santu resa den nos. Laga pa Dios resa den nos siendo siguidó di e Spiritu. Dios ta interveni pa e bon di esnan ku stim’é.

4. Spiritu Santu ta hiba nos na e bèrdat pleno, E ta fortalese nos p’asina nos por ta testigunan di Señor, E ta mustra nos e rikesa maravioso di e mensahe kristian, E ta yena nos ku amor, pas, goso, fe i speransa kresiente.

Spiritu Santu i Iglesia:

Desde fundashon di Iglesia riba dia di Pentekòster, Spiritu Santu ta esun ku ta konstruyé, anim’é i santifik’é, ta dun’é bida i unidat i ta enrikesé ku su donnan.

Spiritu Santu ta sigui traha den Iglesia di hopi manera distinto, inspirando, motivando i impulsando kristiannan, den forma individual o komo hinter Iglesia, pa proklamá e Bon Notisia di Hesus.

Por ehèmpel, E por inspirá Papa pa duna un mensahe importante na humanidat; inspirá e obispu di una diósesis pa promové un apostolado; etc.

Spiritu Santu ta asistí espesialmente e representante di Kristu riba Tera, e Papa, p’asina e por guia Iglesia di forma rekto i kumpli su labor di wardadó di e trupa di Hesukristu. Spiritu Santu ta konstruí, ta santifiká i ta duna bida i unidat na Iglesia.

Spiritu Santu tin e poder di animá nos santifiká nos i logra den nos aktonan ku, riba nos

mes, nos lo no por a realisá. E ta hasi esaki atraves di su shete donnan.

E shete donnan di Spiritu Santu:

E donnan aki ta regalunan di Dios i únikamente ku nos esfuerso nos no por laga nan krese o desaroyá. Nan mester di e akshon direkto di Spiritu santu pa por aktua ku nan.

1. SABIDURIA: Ta permití nos komprondé, eksperimentá i saboriá e kosnan divino, para por husga nan di forma rekto.

2. INTELIGENSIA: Dor di dje, nos inteligensia ta bira apto pa komprondé intuitivamente e bèrdatnan revelá i e kosnan natural di akuerdo ku fin sobrenatural ku nan tin. E ta yuda nos komprondé e dikon di e kosnan ku Dios ta manda pa nos.

3. SIENSIA: Ta hasi nos inteligensia kapas pa husga di forma rekto e kosnan kreá di akuerdo ku su fin sobrenatural. E ta yuda nos pensa bon i pa komprondé e kosnan di mundu ku fe.

4. KONSEHO: E ta permití e alma vislumbrá di forma rekto loke e mester hasi den un sirkunstansia determiná. E ta yuda nos na ser bon konseheronan di otroonan, guiando nan pa e bon kaminda.

5. FORTALESA: Ta fortalese e alma pa praktiká tu klase di virtud heroiko ku konfiansa invisibel den superá peligernan i difikultatnan grandi ku por surgi. E ta yuda nos pa no kai den tentashon ku demoño ta pone pa nos.

6. PIEDAT: E ta un regalú ku Dios ta duna e alma pa yud’é stima Dios komo Tata i hendenan komo ruman, yudando nan i respetando nan.

7. TEMOR O RÈSPÈT DI DIOS: E ta duna e alma e humildat pa apartá su mes di piká dor di e temor pa disgustá Dios ku ta su supremo bon. E ta yuda nos respetá Dios, pa dun’é a su lugá komo e persona mas importante i bon di mundu, pa nunca bisa nada kontra di djE.

Orashon na Spiritu Santu

Bini Spiritu Santu, yena e kurasonnan di bo fielnan i sende den nan a kandela di bo amor; Señor manda bo Spiritu Kreador i renobá kara di mundu.

O Dios, ku tabata ke ilustrá kurason di bo fielnan ku e lus di Spiritu Santu, konsedé nos ku, guiá dor di e mesun Spiritu, nos ta traha di forma rekto i ta gosa di bo konsuelo. Pa Hesukristu, nos Señor Amèn.

Dios su man den hende muhe komo instrumentu den historia

PREIS
Fl. 45,00

Djasabra, 10 yuni 2023

Ora: 6or pa 9or

LUGA
Seru di orashon

Por kumpra bo karchi Djaluna, djaronan i djabièrnè di 5or pa 6or di atardi na Parokia di Wishi. Of despues di santu sakrifisio di misa na Parokia di Wishi.

HULANDA

Muhénan den prizòn Nieuwersluis víktima komportashon no deseá

NIEUWERSLUIS – Detenidonan femenino den e prizòn di Nieuwersluis, ta víktima di komportashon no deseá. Ta trata prinsipalmente di remarkenan ku tinta seksual di trahadónan di e instituto direkshon di

e detenidonan, pero tambe sunchi riba boka, satisfakshon oral i relashon entre trahadónan i detenidonan. Esaki tin pará den e rapòrt di Inspekshon di Hustisia i Siguridat, ku a hasi un investigashon dentro di insti-

tuto penitensiarario. Entre e trahadónan tambe, segun e inspekshon, tin menshon di deskriminashon, sèksismo i redu.


“Tin un kultura ku ta posibel ku trahadónan di e prizòn ta demostrá komportashon no íntegro, bou di kua komportashon seksual no deseá. E ambiente di biba i traha no ta seif sufisiente, tantu pa e detenidonan komo e trahadónan,” inspektor general Esther de Kleuver, ta bisa den un deklarashon.

Den e seshon femenino di Nieuwersluis tin solamente hende muhé será. Aña pasá a sali na kla ku ta sospechá un wardadó di prezu di 47 aña di a mal usá tres detenido. Riba esaki mas èks detenido i detenido a bisa ku nan tambe tabata víktima di komportashon indeseá dentro di muryanan di e prizòn.

Yùli aña pasá e inspekshon a anunsiá un investigashon den e prizòn na Nieuwersluis. Na mitar kaminda di e investigashon,

fin di 2022, a amplia e investigashon pasobra Inspekshon a haña señal ku no solamente e wardadó di prezu di 47 aña, pero tambe otro trahadónan a kometé komportashon indeseá.

“E kultura dentro di Nieuwersluis lo mester bai kambia pa hasi e ambiente di biba i trabou seif. E servisio di institutonan hudisial, mester bai wak kon e kultura ta den e otro institutonan kaminda tin hende muhé será,” segun de Kleuver.



Enfermero sospechá morto di pashènt liber

ASSEN – E èks enfermero di Wilhelmina Ziekenhuis na Assen, kende ta sospechá di posibel kaso di morto di mas ku 20 pashènt, a sali liber. Korte di Noord-Nederland a sentensia ku e sospechonan kontra e enfermero na e momentu akí no ta fuerte sufisiente pa ten’é mas tempu será. E investigashon sí ta kontinuá.

E hòmer di 32 aña, kende desde apel ta será, segun Ministerio Públiko a konta ku el a terminá bida di su pashèntnan. Na inisio di mei, Hues a di-sidí ku e sospechoso mester keda por lo ménos 30 dia mas será. Entretantu polis a tende testigu, bou di kua kolega di e sospechoso i dòkternan enbolbí i for di esaki, segun Korte, no a bini kasonan konkreto dilanti pa kua por bisa ku e sospechoso tabata enbolbí. E hòmer durante e pandemia di Corona tabata traha komo enfermero di pulmon na Assen. Segun Hustisia, sin konsultá ku un dòkter, e tabata realisá tratamentu médiko serka e pashèntnan ku den su bista tabata terminal i tabata

sufri serio. El a konta su storia serka dunadónan di ayudo di GGZ Drenthe. Mirando e seriedat di e huramentashon di nan obligashon di sekresia, nan a disidí di kibra esaki i notifiká e hospital. E tempu ei e hòmer ya no tabata traha mas na e hospital. Despues di e notifikashon, a pon’é ofisialmente riba non-aktif.

Wilhelmina Ziekenhuis den un reashon a enfatisá ku e hòmer ta keda sospechoso i e investigashon ta kontinuá. Prinsipalmente pa e famianan esaki ta un notisia fuerte. Ku esaki e insiguridat no ta minimalisá. Ketu bai nos no tin kontesta riba e pregunta ku preis a sosodé, un bosero a bisa.

Ministerio Públiko ta laga sa ku e ta konsiderá pa bai den apelashon kontra libertat di e sospechoso. “E tempu ku ta bini lo tuma mas deklarashon di posibel testigu. Tambe investigashon di eksper-tonan pa mas dokumento médiko ainda no ta kla. Ta spera ku na yùni por hasi e promé kalkulashonnan temporal.



Mas eksploshon na Suri-Change

AMSTERDAM – Na e ofisina di kambio di sèn Suri-Change na Bijlmerdreef den Amsterdam, djárason tabatin otro eksploshon, loke a okashoná daño na e ofisina. No tabatin herido, polis ta informá.

E eksploshon a tuma lugá banda di kuartu pa kuater. A aktivá un helikòpter di polis i e tim di eksplorashon di eksplosivo na e sitio pa investigashon.

Anteriormente tabatin eksploshon na e ofisina, meskos ku na otro lokalidat di e kadena Suri-Change Money Transfer. P’esei Burgemeester Halsema a disidí di sera sinku ofisina

den e siudat pa seis luna. E filialnan na Rotterdam i Den Haag, tambe mester keda será.

Na mart a detené sinku persona di e empresa na Rotterdam, riba sospecho di embolbimentu di labamentu di plaka kriminal riba eskala grandi, proba-

blemente prosedente di negoshi di kokaina.

Kantidat grandi di plaka kriminal lo ta pasa via di e empresa. Pa esaki e sospechosonan lo ta hasi uso di finansiamentu kriminal di netwerk na Hulanda, Slovakia i Sürnam.



STATIA/SABA/ST. MAARTEN

Mayor i yu a hunga huntu

COVE BAY – Mayor i yu a hunga huntu, durante e dia di hunga tené pa e departamentu di desaroyo komunitario djadumingu na Cove Bay.

Na nòmber di e departamentu, ke yama danki na

Child Focus Foundation i UNICEF, pa djòin huntu pa organisá e evento na Cove Bay.

E meta di e evento ta pa ofresé un programa físiko, kreativo i edukashonal pa mucha entre 4 pa 12 aña.



Delegashon ta partisipá na konferensia di agrikultura

ORANJESTAD – Un delegashon di St. Eustatius, konsistiendo di e direktor di ekonomia, naturalesa i infrastruktura, konsehero di pólisha, i manager di proyekto di e plan di pólisha di naturalesa di medioambiente, a

biaha pa Aruba pa partisipá na e konferensia tokante e proseso di vishon di agrikultura na Karibe Hulandes.

E delegashon ta kompañá pa un miembro di e servisio di informashon di Gobièrnu.

E konferensia, atendé pa representantenan di Aruba, Boneiru, Kòrsou, Saba, St. Maarten i Statia, tin komo meta desaroyá un aserkamentu kolektivo pa desaroyo i siguridat di kuminda i sostenibilidat den Karibe Hulandes.



KÒRSOU

Na entre otro Federashon Koperativa Uni

Min. di Asuntunan General a realisá vários bishita

WILLEMSTAD— Durante e fin di siman ku a pasa, Minister di Asuntunan General enkargá ku sektor di Agrikultura, Medio Ambiente i Naturalesa di Ministerio di GMN señor Gilmar Pisas a hasi



diferente bishita. Primeralemente Minister Pisas a bishitá Federashon Kooperativanan Uní di Produksjon (KUP) na playa di Daai Booi. Despues Minister a bishitá Boca Ascension pa personalmente tuma nota di e situashon di Sargassum i finalmente Minister a bishitá Piskadónan di Playa Piskadó na Wèstpunt.

Durante e bishita na Daai Booi Minister Pisas a hiba kombersashonnan ku señor Lucas presidente di KUP i señor De Lanoy presidente di organisashon di piskadó di Boneiru PiskaBon. A deliberá entre otro tokante aspektonan ku ta stroba piskadónan di

Boneiru i di Kòrsou piska liber den awanan rondó di e islanan. Relashoná ku esaki Minister Pisas ya a hasi palabrashonnan ku funshonarionan konserní pa atendé e punto importante aki. Na final di e bishita Minister a presensia firmamentu di un akuerdo di kooperashon entre KUP i PiskaBon. Ta trata aki di un akuerdo pa huntu atendé retonan ku piskadónan di ámbos isla ta konfrontá i formashon di piskadó komo fishi.

Na Boca Ascension Minister Pisas por a tuma nota di e situashon di Sargassum. Mester bisa ku e molèster pa loke ta trata e bahia no ta ekstenso

manera e tabata pasobra naturalesa mes a sòru pa deskomposishon di gran mayoria di e alga marino aki. Esaki apesar ku algun siman pasá tabatin molèster di holó stinki den barionan den bisindario. Na e sitio Minister Pisas a haña splikashon di kolaboradónan di su departamentunan di e forma kon lo atendé ku e problemátika aki den futuro. Na Playa Piskadó, piskadónan a konta Minister e retonan ku nan ta konfrontá di e turismo intensivo ku ta bini pa wak e turtuganan. Minister Pisas a mustra ku mester atendé esaki i bini ku un solushon duradero pa piskadónan i turismo.

Detenshon pa arma i menasa

WILLEMSTAD— Djamars 30 di mei un dama a yega na warda di polis na Punda i duna di konosé ku na altura di marshe nobo un hòmer lo a menas'é ku un arma blanku. Un unidat a bai ku e dama pa hasi e investigashon nesesario.

Na altura di Waaigatplein polis a bin topa ku e hòmer ku a menasá e dama.

Durante di un kontrol a bin enkontra den su saku di karson un kuchú i den su outo un bate, ku a konfiská. Polis a detené hòmer L.F.G. di 56 aña di edat nasé na Kòrsou pa viola-shon di lei di arma i menasa. A presentá e sospechoso dilanti di un fiskal ouksiliar ku a ordená su enkarselamentu pendiente di mas investigashon.



Detenshon relashoná ku ladronisia di outo

WILLEMSTAD— Relashoná ku ladronisia di outo ku a tuma lugá den luna di yanüari di e aña aki den e área di Mambo Beach, polis a realisá un detenshon.

Kontinuando ku e investigashon, djáron 31 di mei, e tim ku ta investigá ladronisia di vehíkulo, a detené e hòmer sospechoso I.R.I. di 41 aña di edat nase na Kòrsou.

Detenshon di e sos-

pechoso aki a tuma lugá na su kas na Kirindongo Abou. Despues di su detenshon a kontinuá ku un entrada hudisial na e mesun adrès, na unda a konfiská diferente artíkulo ku ta di importansia pa e investigashon.

A presentá e sospechoso dilanti di un fiskal ouksiliar ku a ordená su enkarselamentu pendiente di mas investigashon.



ARUBA

IPKO cu poco perspectiva pa resultadonan positivo

ORANJESTAD -- Di aranson a inicia reunion di IPKO na Den Haag caminda Parlamento di paisnan di Reino Hulandes ta topa cu otro riba diferente punto di interes.

Un reunion cu en realidad no ta brinda mucho perspectiva cu lo por logra ‘acuerdonan’ riba diferente punto di interes di e paisnan miembro, algo cu pa hopi tempo caba no ta ser logra y en realidad e reunionnan aki no ta presenta mucho solucion pa un of otro diferencia riba asunto.

IPKO, tur na hoofdletter, ta para pa Inter Parlementaire Koninkrijks Overleg, cu ta palabranan cu ta zona

pisa pero caminda ora cu analisa resultado di e tipo di reunionnan aki, e no ta cuadra cu e embergadura cu ta trata di hustifica e tipo di reunionnan aki.

Na luna di September di 2022, a tuma luga un reunion igual na Hulanda caba, caminda a atende varios asunto di interes di e paisnan miembro di Reino pa despues na luna di Februari di e aña aki, e reunion di IPKO a tuma na Willemstad, Corsou.

E reunion a dura te den prome siman di luna di Maart y awor apenas dos luna despues, ata otro IPKO na Den Haag, caminda por scucha politiconan papia

riba contenido di e reunion pero cu ningun caminda ta mira cu lo yega na acuerdonan cu ta sirbi interes di e paisnan miembro, principalmente islanan CAS.

Scuchando reaccionnan ayera despues di e prome dia, den cual reunion ainda no ta yega na discusionnan concreto riba asuntonan di e paisnan concerni pero tin

e anticipacion cu e reunion aki lo converti su mes den otro ameno, caminda ta papia hopi pero e resultado a cambio practicamente no ta existi.



Dia pa controla salud organisa pa Aruba Lions Club

ORANJESTAD -- Diasabra awor 3 di Juni for di 9'or di mainta pa 3'or di atardi, Aruba Lions Club ta organisando su “Health Fair 2023” na su club situa

na Engelandstraat 11 na Eagle.

Aruba Lions Club cu mas di 75 aña sirbiendo comunidad cu diferente proyectonan y yudansa

pa esnan den necesidad, e weekend aki riba diasabra lo tin su “feria di salud” caminda lo tin 5 seccion medico pa tur persona cu tin e necesidad pa haci un

control den un di e partinan aki y ricibi su servicio completamente gratis.

E seccionnan cu lo tin ta, control di presion di wowo y control di catarata cu ta e parti di wowo. Tambe lo tin control di oido cu lo tuma luga den edificio di FEPOH pa su mes empleadonan cu boluntariamente lo haci e examinacion y lo wordo asisti pa Quota Club cu lo por haci e parti di conscientisacion. Pa e parti di control riba diabetisch y colesterol lo ta presente Xavier University cu lo yuda den esaki y alabes controla presion.

Mary Joan Foundation lo ta presente cu su ekipo di mediconan cu ta bay haci e trabou di examinacion y conscientisacion riba cancer di pecho. Locual no ta falta ta e proyecto di “Smile Mobile” di Aruba Lions Club mes cu lo ricibi e dentadura di nos grandinan pa por haci e limpieza necesario durante e dia. Nos por a mira cu ya trabounan di preparacion a cuminsa na e

club pa asina ricibi diasabra awor tur persona cu ta den e necesidad pa haci un control medico y asina si constata cualkier desviacion den esaki por ta na tempo pa haya un consejo pa sigui cu un control mas avansa.

E meta di e “Health Fair 2023” ta pa conscientisa comunidad pa biba saludabel door di keda controla y ricibi e consehonan necesario pa mantene un curpa sano, manera e lema di e actividad aki ta bisa “Be Healty, Be Happy”.

Pa Aruba Lions Club esaki ta un proyecto mas cu nan ta presenta pa comunidad y ta gradici di curason tur companianan, organisacionnan y tambe personanan individual cu ta para banda di e miembronan di Aruba Lions Club pa coopera den e trabou voluntario aki cu e club ta aprecia masha hopi, y ta nos tur hunto ta haci un actividad asina posibel. Aruba Lions Club ta warda boso diasabra y yega trempa pa por haya bo turno pa control.



DEPORTE

Torneo di dam ABC

KRALENDIJK -- Fin di siman tras di lomba a tuma lugá e torneo di dam ABC na Kòrsou ku partisipashon di hungadónan di Aruba, Kòrsou i Boneiru.

Tim 2 di Kòrsou a bira kampion. Huntu nan a skor 10 matchpoints. Segundo lugá a keda Boneiru ku 9 matchpoints i Aruba a terminá ku 5 matchpoints.

Tòp skor di Aruba den sekshon adulto a bira Hector Winterdal ku 4 boardpoints, miéntras tòp skor di e torneo a bira e hungadó di Kòrsou Mijail Eisdén ku

8 punto. El a gana tur su 4 partidonan.

Den sekshon hubenil Aruba a topa ku dos hungadó di Kòrsou i dos 2 di Boneiru. Aruba a gana tur su weganan i a terminá na promé lugá.

Pa saka e ganadó individual, e dos hungadónan di Aruba mester a hunga un wega kontra otro. Akinan e mucha muhé Jaylee Krozendijk a gana i a bira e kampion individual den e sekshon hubenil. Un logro grandi pa Aruba den e sekshon hubenil.



‘Handbal’ otro deporte nobo

KRALENDIJK -- ‘Handbal’ ta otro deporte nobo na Boneiru. Ku esaki Boneiru ta sera konosí ku otro deporte nobo ku ta e deporte di “handbal”.

Esaki di akuerdo ku informashonnan ku a yega nos redakshon deportivo.

T’asina ku Boneiru a haña otro deporte nobo, esaki komo parti dje desaroyo den deporte di nos isla.

Abo ke sera konosí ku e deporte nobo aki? Ta fásil pa hasi esaki.

Te ku 1 di yúli 2023 bo por bin purba esaki kompletamente grátis. Tur djaweps tin treinen na Kompleho Deportivo Jorge Nicolaas na Kaya Amsterdam, esaki di 17:30 pa 19:00.

Si bo ke bin trein, manda un PM òf App pa por manda tur informashon nesesarior p’abo.

WWW.letsmovebonaire.com

Ta spera di konta kubo den e deporte nobo aki na Boneiru ku ta “handbal”

Liga si nos ke nos por den su siman internashonal

KRALENDIJK--E torneo di sòftbòl “Liga Si Nos Ke Nos Por”, a sigui e siman aki den den su siman internashonal aki na Boneiru, esaki ku partidonan ku ta tuma lugá na Julio Angela Ballpark na Amboina.

E weganan di e siman internashonal a kuminsá djamars 30 yùni te ku djasabra 3 yùni 2023.

Aki e skema pa e siman internashonal di sòftbòl di e torneo si Liga Si Nos Ke

Nos Por.

Skema.

Djabièrnè 2 yùni 2023.
6:00pm The Fire vs Among US.
7:15pm Black Sox vs Among US.
8:30pm The Dreamers vs The New Radiators.
9:45pm EWT Freskoe vs Mariadal.
11:00pm The Dreamers vs The New Radiators.

Barracudas ku yobida di medaya

KRALENDIJK--E tin di landadónan di Bonaire Barracudas Swim & Waterpolo Team”, fin di siman pasá a logra gran éksito i regresá kas ku “Yobida di Medaya” fo’i Kòrsou, esaki di kompetensianan ku a tuma lugá aya na Kòrsou.

Tur nan treinenan a tuma lugá den laman i no den pisina.

Nan ta masha masha gradesido ku nan landadónan por a trein

nan start i biramentu i bèk den “zwembad” di Delfins Beach Resort.

Esaki sigur a yuda nan hopi.

Tabata e di 10 edishon di Hensley Heereveen Invitational ku a tuma lugá na Kòrsou i Boneiru.

Un total di 7 organisashon di landamentu a partisipá den e torneo di Kòrsou i Boneiru.

E organisashon tabata de man di Curacao Aquatic Association.

E landadónan di Barracudas a regresá kas djadumingu último ku 35 medaya individual, 3 medaya riba “relay” i tambe hopi ‘vaantjes”.

Ademas tabatin 4 “highest points trophy”s, 3 bia na di tres lugá un bia na di 2 lugá.

Pabien Boneiru ku e logro aki aya na Kòrsou.

Riba potrèt momentu ku e landadónan a regresá Boneiru.



**Pa info i komunikado den Extra/
BONERIANO**


Redakshon: extrabon@gmail.com

Aviso mail: avisobon@gmail.com

Turtuga konekshon importante
Turtuga ta hunga un ròl importante den konekshon ku diferente ekosistema. Bichnan i sistemanan di dùin no ta haña muchu nutriente durante aña, asina hopi vegetashon chikitu ta krese riba dùin i no ta krese riba bich.
A pesar ku turtuga ta traha neishi i pone webu riba bich, e kaskanen di webu ku ta keda tras por funshoná komo nutriente pa vegetashon.
Vegetashon salú ta un sistema fuerte pa mantené santu den e dùinnan i proyekto di bich kontra eroshon. Investigashon a demostrá ku turtuga tin biá ta aktua komo un kadena pa espezie. Kama di yerba di laman ta hopi gustá pa turtuga blanku i ta mas produktivo.
Turtuga i hopi espezie di laman ta hopi gustá komo atrakshon pa turista marino dor di nan presensia, un fuente di entrada pa hopi pais.

Fuente/foto: **STOB**

BIDA
DEN
LAMMAN



CS35 PLUS

 1.4T BENZINE |  260Nm TORQUE |  AUTO TRANS. |  158 HP



\$25,995

CS55 PLUS

 1.5T BENZINE |  300Nm TORQUE |  AUTO TRANS. |  185 HP



\$27,995

SERVICE & PARTS
GUARANTEED

